

SUID-AFRIKAANSE RADIOLIGA

SARL NUUS SONDAG 07 APRIL 2002

Dit is amateurradiostasie ZS6SRL van die Suid-Afrikaanse Radioliga, die nasionale vereniging vir amateurradio in Suid-Afrika, met 'n nuusbuletin wat elke Sondag om 08:15 Sentraal Afrika Tyd (SAT) in Afrikaans en om 08:30 SAT in Engels uitgesaai word.

Hierdie bulletin is ook op die webwerf van die SARL by www.sarl.org.za en op pakketbulletinborde beskikbaar.

In die nuus vandag:

WES-RAND KLUBFUNKSIE WES-RAND VLOOIMARK QSL-KAARTE BESKIKBAAR BY AJV SARL-BULLETINS OP SARL-WEBWERF

Bly ingeskakel vir meer besonderhede hieroor en ander nuusitems.

Besoek ook die SARL-webblad of skakel die SARL-kantoor wat vanaf 09:00 tot 13:00 op weekdae oop is by telefoon 011 675-2393 vir inligting oor hoe om by die SARL aan te sluit, boekverkope en alle verwante amateurradioaangeleenthede.

Die SARL nuusdiens nooi klubs en individue om nuus aangaande amateurradio aan sarlnews@hotmail.com te stuur voor 18:00 op Donderdae. Indien moontlik stuur dit asb in Afrikaans sowel as Engels.

U luister na ZS6SRL.

Die nuus volg in besonderhede:

WES-RAND FUNKSIE

Wes-Rand amateurradioklub hou 'n sosiale funksie op Vrydag 19 April om 19:00 by hulle klubhuis te Krotonweg, Wetervredenspark in Roodepoort. Die doel met die geleentheid is die saambring van al die afgevaardigdes en belangstellendes na die SARL se AJV. Daar sal eet- en drinkgoed beskikbaar wees teen nominale koste. Bespreek asb u plek aangesien dit die organiseerders sal help met hulle beplanning. Kontaknommers is soos volg: 011 726 6807 in kantoorure en 011 7266892 na ure. Bill en Petra staan gereed om u van hulp te wees.

WES-RAND VLOOIMARK Op Saterdag die 20ste April hou die Wes-Rand amateurradioklub 'n vlooiemark by hulle klubhuis te Krotonlaan, Weltevredenspark. Die hekke open om 13:00. Hulle vra dat besoekers nie te vroeg opdaag nie aangesien dit lei tot 'n opeenhoping by die hekke. Uitstallers word gevra om hulle plekke te bespreek by die volgende nommers: Bill 011 726 6807 gedurende kantoorure. 'n Geringe bedraggie word gehef vir uitstallers.

QSL-KAARTE BESKIKBAAR BY AJV

Die raad van die SARL het besluit om gesorteerde QSL-kaarte beskikbaar te stel by die AJV. SARL -lede kan hulle kaarte daar afhaal. Die raad het verder besluit om eenmalig QSL-kaarte wat aan nie-lede gestuur is ook beskikbaar te

stel. Nie-lede sal 'n nominale bedrag moet betaal vir hierdie kaarte - lede kan nie hierdie diens aan nie-lede subsidieer nie.

AFDELING SES BANDPLANVERGADERING

Klubs word herinner aan die afdeling ses bandplanvergadering wat om 09:00 volgende Saterdag 13 April by die Nasionale Amateurradiosentrum gehou sal word. Alle klubs in afdeling ses behoort by hierdie vergadering verteenwoordiging te hê. Ander belanghebbendes is ook welkom om die vergadering by te woon.

SARL-BULLETINS OP SARL-WEBWERF

Die SARL-webmeester, Richard Seddon ZS2CLI, het die SARL-webwerf aangepas sodat beide die Afrikaanse en Engelse bulletins oor dieselfde periode op die SARL-webwerf verskyn. Die bulletins op die webwerf strek tans van 2 September 2001 tot die van verlede Sondag en sal voortdurend bygewerk word. Besoek die SARL-webwerf en kyk in die ledeafdeling onder "NEWS" vir die bulletins en bly op hoogte van sake indien jy 'n bulletin misgeloop het.. Dankie aan die webmeester vir hierdie nuwe reëling.

STIGTING VAN 'N NUWE KLUB IN PRETORIA

'n Nuwe klub is onlangs vir amateurs in Pretoria gestig. Dit staan bekend as die Quantum Radio-amateurklub. Die eerste vergadering van hierdie klub sal om 14:00 op Saterdag 13 April in die Queenswood laerskool, Jansenstraat plaasvind. Alle belangstellendes is welkom. Vir meer inligting kan daar geskakel word met Johan ZR6ANF by 083 300 8677 of met Jannie ZR6PHD by 083 413 4003,

VOLGENDE RAE

Net 'n herhinnering dat die volgende RAE op Donderdag 23 Mei om 19:00 SAT plaasvind. Die sluitingsdatum vir inskrywings is 16 April.

SASOLBURG RADIOKLUB VIER MARCONIDAG

Die Sasolburg Radioklub sal 'n geleentheidstasie bedryf ter viering van Marconidag op 27 April vanaf 08:00 tot 20:00 SAT. Die stasie sal opgerig word by die lapa net Suid van die Excell Motorhawe, op die hoek van D.F. Malan- en J.G. Strydomrylane. Die stasie sal QRV wees op 2m, 6m, HF (30m, 40m & 80m), Pakketradio en HF Digitaal. Die hoofdoel van die projek is om amateur-radio aan die breë publiek bekend te stel. Dit sal waardeer word as so veel as moontlik amateurs die verrigtinge sal bywoon.

SARLNUUS bedank alle nuusbydraers, individue, klubs en ander organisasies vir bydraes tot hierdie bulletin en al die stasies wat so getrou die herleidings behartig. Hierdie bulletin is saamgestel deur George, ZS6NE, en gelees deur vanuit as 'n diens aan radioamateurs, kortgolfluisteraars en elektronika-entoesiaste

Die SARL nooi u ook om Sondae om 10:00 na Amateur Radio Mirror International op 21560, 9750 en 7082 kHz en 145,750 MHz in die Pretoriagebied te

luister. 'n Heruitsending kan Maandagaande om 20:00 SAT op 3215 kHz gehoor word. ARMI word deur Telkom en Sentechn geborg.

Die net van die President van die SARL is Sondag om 12:00 op 7082 kHz op die lug. U het geluister na ZS6SRL, dankie u dat u by ons aangesluit het

Hierdie Afrikaanse uitsending eindig nou en SARLNUUS wens u aangename week toe.

Tot siens almal.

/EX